



"Pozvaće se čovjek iz mog ummeta na Sudnjem danu* pred svim stvorenjima, pa će mu se pokazati devedeset i devet sidždžila/deftera (grijeha), svaki je dokle pogled dopire, zatim će mu Allah reći: 'Da li poričeš išta od ovoga?', pa će odgovoriti: 'Ne, Gospodaru.' Uzvišeni će ga tada upitati: 'Jesu li ti nepravdu učinili Moji pisari (meleki) čuvari?' Zatim će kazati: 'Imaš li naspram toga dobrog djela?' Onda će se ovaj čovjek pobjojati i odgovoriti: 'Ne.' Allah će mu kazati: 'Naprotiv, ti kod nas imaš dobrih djela i zaista ti neće biti učinjena nepravda danas!' Tada će se izvaditi kartica na kojoj će pisati: 'Svjedočim da nema boga osim Allaha, da je Muhammed Njegov rob i Njegov Poslanik.' Pa će reći ovaj čovjek: 'Gospodaru, šta je ova kartica naspram svih ovih sidždžila/deftera.' Allah će reći: 'Doista ti se neće učiniti nepravda!' Onda će se staviti ovi sidždžili na jedan tas, a kartica na drugi tas vase, pa će zalepršati sidždžili i pretegnuti kartica. Ništa nije teško kao Allahovo ime."

Prenosi Abdullah bin 'Amr, radijallahu anhuma, da je Allahov Poslanik, sallallahu 'alejhi ve sellem, kazao: "Pozvaće se čovjek iz mog ummeta na Sudnjem danu pred svim stvorenjima, pa će mu se pokazati devedeset i devet sidždžila/deftera (grijeha), svaki je dokle pogled dopire, zatim će mu Allah reći: 'Da li poričeš išta od ovoga?', pa će odgovoriti: 'Ne, Gospodaru.' Uzvišeni će ga tada upitati: 'Jesu li ti nepravdu učinili Moji pisari (meleki) čuvari?' Zatim će kazati: 'Imaš li naspram toga dobrog djela?' Onda će se ovaj čovjek pobjojati i odgovoriti: 'Ne.' Allah će mu kazati: 'Naprotiv, ti kod nas imaš

dobrih djela i zaista ti neće biti učinjena nepravda danas!" Tada će se izvaditi kartica na kojoj će pisati: 'Svjedočim da nema boga osim Allaha, da je Muhammed Njegov rob i Njegov Poslanik.' Pa će reći ovaj čovjek: 'Gospodaru, šta je ova kartica naspram svih ovih sidždžila/deftera.' Allah će reći: 'Doista ti se neće učiniti nepravda!' Onda će se staviti ovi sidždžili na jedan tas, a kartica na drugi tas vase, pa će zalepršati sidždžili i pretegnuti kartica. Ništa nije teško kao Allahovo ime."

[Vjerodostojan]

Allahov Poslanik, sallallahu 'alejhi ve sellem, nas obavještava da će Allah na Sudnjem danu pred svima izabrati jednog čovjeka kako bi ga obračunao za djela koja je radio. Potom će mu se predočiti devedeset i devet deftera na kojima su napisana njegova nevaljala djela koja je uradio na dunjaluku. Samo jedan defter je dug koliko pogled nekome može doprijeti. Zatim će Uzvišeni upitati tog čovjeka: "Negiraš li bilo šta što je zapisano u ovim defterima? Jesu li ti nepravdu učinili moji meleci, koji su zapisivali tvoja djela?" Čovjek će kazati: "Ne, moj Gospodaru." Uzvišeni Allah će mu tada kazati: "Da li imaš opravdanje za djela koja si radio na dunjaluku, kao na primjer da si ih uradio iz zaborava, nemamjerno ili bez znanja?" "Ne, nemam nikakvog opravdanja, Gospodaru", čovjek će odgovoriti. Uzvišeni će mu tada kazati: "Naprotiv, ti imaš kod nas jedno dobro djelo. Neće ti se nepravda danas učiniti." Tada će se izvući kartica na kojoj će pisati: "Svjedočim da nema istinskog boga koji zасlužuje da se obožava osim Allaha i svjedočim da je Muhammed Njegov rob i Poslanik." Uzvišeni će kazati ovom čovjeku: "Izvagaj ovo!" Čovjek će tada, čudeći se, kazati: "Šta može uraditi jedna ova kartica pored toliko deftera?" "Tebi se nepravda neće učiniti", Gospodar će kazati. Na jedan tas vase stavit će se svi ti defteri, a na drugom će biti kartica. Svi će defteri odletjeli, a tas na kojem je kartica će ostati stabilan i tako će Allah oprostiti tom čovjeku.

<https://sunnah.global/hadeeth/bs/show/65033>

